

# Moeng go tswa kwa Tshephe

Motshwantshi: Helga Hoveka

E fetotswe go tswa go tshamaneng ya Seaforika

Kotara 4 – Buka e Kgolo 3



Setswana




**GAUTENG PROVINCE**  
EDUCATION  
REPUBLIC OF SOUTH AFRICA

**GGT 2030**  
GROWING GAUTENG TOGETHER




Tshephe e ne e nna mo  
ntlong e nnye e e dirilweng  
ka dithobane. Ka metlha e  
ne e tlogela kgoro e butswe  
fa e tswa.






Letsatsi lengwe Tshephe  
ya tla gae. Kgoro e ne e  
tswetswe. “O se ka wa bula  
kgoro go seng jalo ke tla go  
ja!” ga bua jalo lentswe le le  
kima mo teng ga ntlo.



Tshephe ya bitsa tsala ya yone e leng Tlou gore e mo thuse. “O se ka wa bula kgoro go seng jalo ke tla go ja!” lentswe la bua jalo.





Tlou le Tshephe ba bitsa  
Tau. “O se ka wa bula kgoro  
go seng jalo ke tla go ja!”  
lentswe la bua jalo.  
“Wa reng? O ja nna! Kgosi ya  
diphologolo?” Tau ya rora jalo.



Ga utlwala mokgwasanyana,  
mme kgoro ya bulega go bo  
go tswa Segwagwa.  
“Ke le tshwere! Ke nna!”  
Segwagwa sa bua jalo.



Ditsala tsa tshega fa di bona Segwagwa. “Ke lebogela thuso ya lona, wena Tlou le Tau,” Tshephe ya bolela jalo. “Lo ditsala tse di molemo.”



Buka e Kgolo eno e kwadilwe ke Wordworks.  
E kgabisitswe ke Jacqui Botha. E ranotswe ke Peter Mekgwe.  
E tselegantswe ke Peter Mekgwe.

Buka e Kgolo eno e ntshediswe laesense ke Creative Commons Attribution 4.0 License (<http://creativecommons.org/licenses/by/4.0/>).

